



Broj: 02-11/5-2634/23

Velika Kladuša, 13.11.2023. godine

Na osnovu Odluke o izvršavanju budžeta Općine Velika Kladuša za 2022. godinu („Službeni glasnik Općine Velika Kladuša”, br. 3/22) i člana 43. Statuta Općine Velika Kladuša („Službeni glasnik Općine Velika Kladuša”, br. 12/11), Općinski načelnik donosi

P R A V I L N I K

o sufinansiranju troškova obaveza doprinosa za registrirane poljoprivredne djelatnosti

I OPĆE ODREDBE

Član 1.

Ovim Pravilnikom propisuju se uslovi koje moraju ispunjavati pravna lica registrirana u skladu sa Zakonom o obrtu i srodnim djelatnostima F BiH (u daljem tekstu: kandidati) da bi ostvarili pravo na sufinansiranje troškova obaveza doprinosa za vlasnike poljoprivrednih djelatnosti, uređuju se postupci za njihovo ostvarivanje, načini isplate, plan raspodjele i potrebna dokumentacija.

Član 2.

Za ovu mjeru kako je to regulisano ovim Pravilnikom, koristiti će se sredstva iz Budžeta Općine Velika Kladuša za 2023. godinu, pozicija „Grant za razvoj poljoprivrede“ ekonomski kod 614311-001.

Poticajna sredstva su bespovratna i namjenjena su za sufinansiranje troškova obaveza doprinosa (PIO, zdravstveno osiguranje i osiguranje od nezaposlenosti) za vlasnike obrta u poljoprivredi za 2023. godinu. Ukupan iznos sredstava koji će biti dodjeljen iznosi 31.500,00 KM.

Pravo na poticajna sredstva za sufinansiranje troškova doprinosa za vlasnike poljoprivrednih djelatnosti nemaju korisnici poticaja za samozapošljavanje u 2023. godini.

Pravo na poticajna sredstva imaju samo poljoprivredne djelatnosti koje su registrirane najkasnije do 31.12.2022. godine.

Član 3.

Uvjeti za odabir kandidata su slijedeći:

- da vlasnik poljoprivredne djelatnosti posjeduje rješenje nadležnog organa o odobrenju za obavljanje poljoprivredne djelatnosti,
- da se poljoprivredna djelatnost obavlja na području općine Velika Kladuša,
- da je poljoprivredna djelatnost upisana u Registar poljoprivrednih gazdinstava,

- da su vlasnici poljoprivredne djelatnosti ažurirali podatke sa 31.03.2023. godine,
- da se poljoprivredna djelatnost obavlja u osnovnom zanimanju,
- da se poljoprivredna djelatnost bavi jednom navedenih poljoprivrednih proizvodnji, te da u istoj proizvodnji posjeduju najmanje jednu od pobrojanih poljoprivrednih djelatnosti:
 - minimalno 5 muznih krava,
 - minimalno 5 grla tovnih junadi,
 - minimalno 50 ovaca,
 - minimalno 25 koza,
 - minimalno 50 pčelinjih društava,
 - minimalno 200 m² plastenika ili staklenika,
 - minimalno 3 dunuma pod jagodičastim voćem,
 - minimalno 3 dunuma intenzivnih zasada visokostablašica (jabučasto, koštičavo i jezgrasto voće),
- da vlasnici poljoprivrednih djelatnosti nisu korisnici poticajnih sredstava za samozapošljavanje u 2023. godini.
- da su vlasnici poljoprivrednih djelatnosti opravdali dodjeljena sredstva od strane Općine Velika Kladuša za finansiranje doprinosa u 2022. godini.

Član 4.

Poticajna sredstva za sufinansiranje navedenih doprinosa će se realizovati na način da će se predviđeni iznos sredstava jednako podijeliti na sve aplikante pod uslovom da prijava ispunjava sve uvijete iz ovog Pravilnika.

Član 5.

Dokumentacija koja se prilaže uz Prijavu na Javni poziv:

- kopija rješenja nadležnog organa o odobrenju za rad,
- izjavu da obavlja djelatnost na području općine Velika Kladuša,
- izjava da vlasnici poljoprivrednih djelatnosti nisu korisnici poticajnih sredstava za samozapošljavanje u 2023. godini,
- dokaz o uplaćenim doprinosima zaključno sa 31.10.2023. godine,
- ID broj za poljoprivrednu djelatnost i
- Dokaz o otvorenom računu u banci za poljoprivrednu djelatnost.

IV ZAJEDNIČKE ODREDBE

Član 6.

Provjera statusa poljoprivredne djelatnosti u Registru poljoprivrednih gazdinstava kao i utvrđivanje eventualnih obaveza, odnosno dugovanja prema Općini Velika Kladuša će se vršiti po službenoj dužnosti.

Član 7.

Za raspodjelu sredstava definisanih ovim Pravilnikom objavit će se Javni poziv koji će biti otvoren sedam dana, a biće objavljen na Oglasnoj ploči i službenoj internet stranici Općine Velika Kladuša. Javnim pozivom će detaljnije biti definisan zahtjev za prijavu na Javni poziv sa popisom potrebne dokumentacije.

Član 8.

Nakon obrade pristiglih zahtjeva i sačinjenih spiskova potencijalnih korisnika sredstava, Službi za poduzetništvo, lokalni razvoj i implementaciju projekata Općine Velika Kladuša izradit će prijedlog odluke o visini odobrenih sredstava kojom Općinski načelnik odobrava isplatu.

Sa odabranim korisnicima Općina Velika Kladuša zaključiti će Ugovor kojim će utvrditi međusobna prava i obaveze.

Član 9.

Za realizaciju ovog Pravilnika zadužuju se Službi za poduzetništvo, lokalni razvoj i implementaciju projekata Općine Velika Kladuša i Služba za finansije, računovodstvo i javne nabavke Općine Velika Kladuša, koje će nakon završene realizacije sačiniti konačnu informaciju o namjenskom korištenju sredstava.

Član 10.

Ukoliko nakon obrade pristiglih zahtjeva i sačinjenih spiskova potencijalnih korisnika sredstava premaši se iznos planiranih sredstava ili ostane neiskorišten dio sredstava planiranih ovim Pravilnikom i Grantom za razvoj poljoprivrede predviđen Budžetom Općine Velika Kladuša za 2023. godinu isti će se prerasporediti u skladu sa izmjenama i dopunama ovog Pravilnika.

Član 11.

Ovaj Pravilnik stupa na snagu danom donošenja a objavit će se u „Službenom glasniku Općine Velika Kladuša“.



OPĆINSKI NAČELNIK
Fikret Abdić, dipl. ing.